



Instituti për Studime të Avancuara GAP

**Raporti i auditorit të pavarur dhe
pasqyrat financiare më dhe për vitin
e përfunduar më 31 dhjetor 2018**

Instituti për Studime të Avancuara GAP

**Raporti i auditorit të pavarur dhe
pasqyrat financiare më dhe për vitin e përfunduar më 31 dhjetor 2018**

Përmbajtja

	Faqe
Raporti i auditorit të pavarur	
Pasqyra e pozicionit financiar	4
Pasqyra e fitimit ose humbjes dhe të ardhurave tjera gjithëpërfshirëse	5
Pasqyra e rrjedhës së parasë	6
Shënimet për pasqyrat financiare	7 – 13

RAPORTI I AUDITORIT TË PAVARUR

Për Bordin e Drejtoreve dhe Menaxhmentin e “Instituti për Studime të Avancuara GAP”

Opinion

Ne kemi audituar pasqyrat financiare të “*Institutit për Studime të Avancuara GAP*”, të cilat përbëhen nga pasqyra e pasurive dhe detyrimeve më 31 dhjetor 2018, pasqyra e fitimit ose humbjes dhe të ardhurave tjera gjithëpërfshirëse dhe pasqyra e rrjedhës së parasë për vitin e përfunduar, bashkangjitur shënimet shpjeguese për pasqyrat financiare, duke përfshirë një përmbledhje të politikave bazë kontabël.

Sipas opinionit tonë, pasqyrat financiare paraqesin në mënyrë të drejtë, në të gjitha aspektet materiale, pozicionin financiar të Organizatës më 31 dhjetor 2018, performancën e saj financiare dhe rrjedhën e parasë për vitin e përfunduar, në përputhje me bazën e përgatitjes të përshkruar në Shënimin 2 dhe kërkesat e ligjit nr. 04/L-57 Për Lirinë e Asocimit në Organizatat Jo-qeveritare.

Bazat për opinion

Ne kemi kryer auditimin në përputhje me Standardet Nderkombëtare të Auditimit (SNA). Përgjegjësitë tona nën këto standarde janë të sqaruara më tutje në seksionin e këtij raporti, Përgjegjësitë e Auditorit për auditimin e pasqyrave financiare. Ne jemi të pavarur nga Organizata në përputhje me Bordin e Standardeve Ndërkombëtare të Etikës për Profesionistët, Kodi i Etikës për Profesionistët (Kodi BSNEP) dhe me kërkesat etike të cilat janë relevante për auditimin tonë të pasqyrave financiare në Kosovë dhe ne kemi përmbushur edhe përgjegjësitë tona tjera financiare në përputhje me këto kërkesa. Ne besojmë që evidenca e auditimit që ne kemi mbledhur është e mjaftueshme dhe e përshtatshme për të siguruar një bazë për opinionin tonë.

Theksimi i çështjes - Bazat e Kontabilitetit dhe kufizimi në shpërndarje

Ne tërheqim vëmendjen në shënimin 2 të pasqyrave financiare, që përshkruan bazën e kontabilitetit. Pasqyrat financiare janë përgatitur me qëllim të raportimit në Zyrën e OJQ-ve në Kosovë. Si rezultat, pasqyrat financiare mund të mos jenë të përshtatshme për ndonjë qëllim tjetër. Raporti ynë është i dedikuar vetëm për Organizatën dhe Zyrën e OJQ-ve në Kosovë, dhe nuk duhet t'u shpërndahet palëve tjera përveç Organizatës dhe Zyrës së OJQ-ve në Kosovë. Opinioni ynë nuk është i modifikuar në lidhje me këtë çështje.

Përgjegjësitë e menaxhmentit dhe atyre që janë ngarkuar me qeverisje për pasqyrat financiare

Menaxhmenti është përgjegjës për përgatitjen e pasqyrave financiare në përputhje me bazën e përgatitjes të përshkruar në Shënimin 2 dhe për kontrollat e brendshme të cilat menaxhmenti i përcakton si të nevojshme për të mundësuar përgatitjen e pasqyrave financiare të cilat nuk përmbajnë anomali materiale nga mashtrimi apo edhe gabimet.

Gjatë përgatitjes së pasqyrave financiare, menaxhmenti është përgjegjës për të vlerësuar aftësinë e Organizatës për të vazhduar me tutje, duke shpalosur, nëse e aplikueshme, çështje që lidhen me vazhdimësinë e biznesit dhe përdorin parimin e vazhdimësisë së biznesit, përveç kur menaxhmenti ka për qëllim të likujdojë Organizatën ose të ndërpresë operacionet, ose nuk ka ndonjë mundësi tjetër përveç se të veprojë në këtë mënyrë.

Të ngarkuarit me qeverisje janë përgjegjës për mbikqyrjen e procesit të raportimit financiar të Organizatës.

Përgjegjësitë e auditorit për auditimin e pasqyrave financiare

Qëllimi jonë është marrja e sigurisë së arsyeshme që pasqyrat financiare si tërësi nuk përmbajnë anomali materiale, qoftë si pasojë e mashtrimeve ashtu edhe e gabimeve dhe lëshimin e një raporti të auditorëve i cili përmban opinionin tonë. Siguria e arsyeshme është një nivel i lartë i sigurisë, por nuk është garancion i asaj që një auditim i kryer në përputhje me SNA, do të detektojë gjithmonë një anomali materiale kur ajo ekziston. Anomalitë mund të lindin nga mashtrimet ose gabimet dhe konsiderohen materiale nëse individualisht, ose të bashkuara, mund të pritët në mënyrë të arsyeshme që të ndikojnë në vendimet ekonomike të shfrytëzuesve të pasqyrave financiare, të marra në bazë të këtyre pasqyrave financiare.

Si pjesë e auditimit në përputhje me SNA, ne ushtrojmë gjykim profesional dhe ruajmë skepticizëm profesional gjatë auditimit. Ne gjithashtu:

- Identifikojmë dhe vlerësojmë riskun e anomalive materiale të pasqyrave financiare, si pasojë nga mashtrimet apo edhe si pasojë e gabimeve, dizajnojmë dhe kryejmë procedura të auditimit të cilat i përgjigjen këtyre risqeve dhe marrim evidenca të auditimit të cilat janë të mjaftueshme dhe të përshtatshme për të siguruar një bazë për opinionin tonë. Risku i mos-zbulimit të një anomalie materiale e cila rrjedhë nga mashtrimi është më i madh sesa i atij që rrjedhë nga gabimi, pasi që mashtrimi mund të përfshijë marrëveshje të fshehta, falsifikime, lëshime të qëllimshme, keqinterpretime, ose shkelje të kontrollit të brendshëm.
- Marrim një kuptim të kontrollit të brendshëm i cili është i rëndësishëm për auditimin në mënyrë që të dizajnohen procedura të auditimit të cilat janë të përshtatshme për rrethanat, por jo për qëllim të shprehjes së një opinioni lidhur me efikasitetin e kontrollit të brendshëm të Organizatës.
- Vlerësojmë përshtatshmerinë e politikave të përdorura të kontabilitetit dhe arsyeshmerinë e vlerësimeve kontabël dhe shpalosje të ngjashme të bëra nga menaxhmenti.
- Bazuar në evidencën e siguruar, vendosim mbi përshtatshmërinë e shfrytëzimit të parimit të vazhdimësisë së biznesit dhe nëse një pasiguri materiale egziston në lidhje me ngjarjet ose kushtet që mund të vënë në dyshim aftësinë e Organizatës për të vazhduar me tutje. Nëse ne konkludojmë se një pasiguri materiale egziston, jemi të detyruar të tërheqim vëmendje në raportin tonë lidhur me këtë shpalosje në pasqyrat financiare, ose nëse shpalosjet e tilla nuk janë të duhurat, të modifikohet opinionin jonë. Përfundimet tona janë të bazuara në evidencën e auditimit të mbledhur deri me datën e raportit financiar. Sidoqoftë, kushtet ose ngjarjet në të ardhmen, mund të shkaktojnë që Organizata të ndërprejë vijueshmërinë e biznesit.

Ne komunikojmë me ata që janë të ngarkuar me qeverisjen, mes tjerash, fushëveprimin e planifikuar dhe kohën e auditimit si dhe gjetjet e rëndësishme të auditimit, duke përfshirë çdo mangësi të rëndësishme në kontrollat e brendshme të cilat i identifikojmë gjatë auditimit.

Deloitte Kosova sh.p.k

Deloitte Kosova sh.p.k.
Rr. Lidhja e Pejës, nr.177
Prishtinë, Republika e Kosovës
Nr i regjistrimit: 80452632
28 mars 2019

Art Limani

Partnere e angazhimit:
Art Limani




Pasqyra e pasurive dhe detyrimeve më 31 dhjetor 2018
(shumat në Euro)

	Shënime	Më 31 dhjetor 2018	Më 31 dhjetor 2017
Pasuritë			
Paraja në arkë dhe në banka	5	161,278	96,924
Pasuritë afatshkurtëra		161,278	96,924
Pajisjet për zyrë	4	12,132	14,416
Gjithsej pasuritë afatgjata		12,132	14,416
Gjithsej pasuritë		173,410	111,340
Detyrimet dhe Kapitali			
Gjendja hapëse			-
Teprica Neto			-
Gjithsej Kapitali			-
Të pagueshmet tregtare dhe të tjera	6	5,747	5,567
Të ardhurat e shtyera	7	167,663	105,773
Gjithsej detyrimet afatshkurtëra		173,410	111,340
Gjithsej detyrimet dhe kapitali aksionar		173,410	111,340

Këto pasqyra financiare janë aprovuar për publikim nga Bordi i Drejtorëve me 28 Mars 2019 dhe u nënshkruan në emër të tij nga:

Nora Latifi Jashari
Drejtoreshë Ekzekutive



Nita Tafarshiku
Menaxhere Financiare



Pasqyra e fitimit ose humbjes dhe të ardhurave tjera gjithëpërfshirëse për vitin e përfunduar më 31 dhjetor 2018
(shumat në Euro)

	Shënime	Për vitin e përfunduar më 31 dhjetor 2018	Për vitin e përfunduar më 31 dhjetor 2017
Të ardhurat nga donacionet	8	262,113 <u>262,113</u>	262,915 <u>262,915</u>
Shpenzimet e programit dhe administrative	9	262,113 <u>262,113</u>	262,915 <u>262,915</u>
Teprica operative		-	-
Fitimi para shpenzimeve të tatimit mbi fitim		-	-
Tatimi mbi fitim		-	-
Teprica/(mungesa) neto për vitin		-	-
Të ardhurat tjera gjithëpërfshirëse		-	-
Gjithsej të ardhurat gjithëpërfshirëse për vitin		-	-

Instituti për Studime të Avancuara GAP

Pasqyra e rrjedhës së parasë për vitin e përfunduar më 31 dhjetor 2018
(shumat në Euro)

Shënime	Për vitin e përfunduar më 31 dhjetor 2018	Për vitin e përfunduar më 31 dhjetor 2017
Fitimi neto për vitin përpara tatimit mbi fitim	-	-
Përmirsimet për:		
Zhvlerësim	5,010	5,295
Lëvizja në kapitalin punues:		
Rritja në të pagueshmet tregtare dhe të tjera	180	546
Rritja në të ardhurat e shtyera	61,890	29,899
	67,080	35,740
Tatimi mbi tatim i paguar	-	-
Paraja neto e përdorur në aktivitetet operative	67,080	35,740
AKTIVITETET INVESTUESE		
Shtesat në pasuritë fikse	(2,726)	(14,384)
Paraja neto e përdorur në aktivitetet investuese	(2,726)	(14,384)
AKTIVITETET FINANCUERE	-	-
Paraja neto e përdorur në aktivitetet financuese	-	-
Zvogëlimi neto në paranë dhe ekuivalentët e saj	64,354	21,356
Paraja dhe ekuivalentët e saj në fillim të vitit	5 96,924	75,568
Paraja dhe ekuivalentët e saj në fund të vitit	5 161,278	96,924

Shënimet për pasqyrat financiare për vitin e përfunduar më 31 dhjetor 2018

(Të gjitha shumat janë të shprehura në Euro, përveç nëse deklarohen ndryshe)

1. Informatat të përgjithshme

Instituti për Studime të Avancuara GAP është e regjistruar si organizatë jo-qeveritare dhe jo-fitimprurëse sipas Ligjit 03/L-134 mbi Lirinë e Asocimit të Organizatave Jo-Qeveritare, më 17 Gusht 2007 me zyre qendrore në Prishtinë.

Instituti për Studime të Avancuara GAP është një Think Tank i Kosovës qëllimi kryesor i të cilit është të tërheq profesionistë për të krijuar një hulumtim profesional dhe ambient të zhvilluar që haset në institucione të ngjashme në shtetet perëndimore.

Kjo do të përfshijë sigurimin e kosovarëve me një mundësi për hulumtim të zhvilluar dhe për të implementuar projekte që do të forconin shoqërinë kosovare. Prioritet për këtë Institut është mobilizimi i profesionistëve në adresimin e sfidave ekonomike, politike dhe sociale të vendit. Qëllimet kryesore të GAP-it janë të mbushë zbrazëtitë në mes të qeverisë dhe qytetarëve, si dhe të mbushë zbrazëtitë në mes të problemeve dhe zgjidhjeve.

2. Baza e përgatitjes

Pasqyrat financiare janë përgatitur në përputhje me kërkesat e ligjit nr. 04 / L-57 Për Lirinë e Asocimit në Organizatat Jo-qeveritare me qëllim të raportimit në Zyrën e Rregullatorit të OJQ-ve.

Të hyrat nga grantet njihen kur fitohen në vend se kur pranohen dhe shpenzimet njihen kur ndodhin në vend se kur paguhen.

Përveç kësaj, detyrimi i shtyrë i grantit, parapagimet dhe detyrimet e tjera regjistrohen sipas bazës akruale të kontabilitetit. Politikat e rëndësishme të kontabilitetit janë përshkruar më poshtë.

Shënimet për pasqyrat financiare për vitin e përfunduar më 31 dhjetor 2018

(Të gjitha shumat janë të shprehura në Euro, përveç nëse deklarohen ndryshe)

3. Përmbledhje e politikave të rëndësishme kontabël

3.1 Paraja dhe ekuivalentët e saj

Paraja dhe ekuivalentët e saj përfshijnë paranë në arkë dhe paratë e pakushtëzuar me bankat ose depozitat me afat maturimi më pak se tre muaj.

3.2 Njohja e të ardhurave

Të ardhurat maten me vlerën e drejtë të shumës së arkëtuar ose për t'u arkëtuar dhe përfaqëson vetëm shumën e arkëtueshme nga donatorët në lidhje me listën e pagave, shpenzimet operative dhe shpenzimet tjera të shkaktuara.

3.3 Transaksionet në valuta të huaja

Transaksionet në valuta të ndryshme nga valuta funksionale (valutë të huaj) regjistrohen në normat e këmbimit që mbizotërojnë në datat e transaksioneve. Në çdo datë raportimi, zërat monetarë të shprehur në valutë të huaj konvertohen në normat mbizotëruese në datën e raportimit. Zërat jo-monetarë që maten me kosto historike në valutë të huaj nuk ripërkthehen. Diferencat e këmbimit që rrjedhin nga zërat monetarë, janë të përfshira në fitimin dhe humbjen e periudhës në të cilën ato lindin.

3.4 Përfitimet e punonjësve

Organizata nuk ka përgjegjësi shtesë për pensionet e punëtorëve përveç pagesës së kontributeve pensionale në Trustin e Kursimeve Pensionale të Kosovës.

3.5 Kontigjencat dhe provizionet

Detyrimet kontigjente nuk njihen në pasqyrat financiare. Ato shpalosen përveç nëse mundësia e rrjedhës së mjeteve që trupëzojnë përfitime ekonomike është e largët. Një pasuri kontrigjente nuk njihet në pasqyrat financiare por shpaloset kur hyrja e përfitimeve ekonomike është e mundshme.

Një provizion është i njohur atëherë kur Organizata ka një detyrim të pranishëm (ligjor ose strukturor) si rezultat i një ngjarje të kaluar dhe është e mundshme që një rrjedhje e burimeve që përfshijnë përfitime ekonomike do të kërkojnë për të shlyer detyrimin, dhe një vlerësim i besueshëm mund t'i bëhet shumës së detyrimit.

3.6 Gjykime kritike kontabël dhe burimet kryesore të pasigurisë në vlerësim

Në procesin e zbatimit të politikave kontabël të Organizatës, të cilat janë të përshkruara më sipër, menaxhmenti nuk ka bërë asnjë gjykim i cili ka efekte të rëndësishme në shumat e njohura në pasqyrat financiare

Shënimet për pasqyrat financiare për vitin e përfunduar më 31 dhjetor 2018
(Të gjitha shumat janë të shprehura në Euro, përveç nëse deklarohen ndryshe)

4. Pajisjet e zyrës

	Pajisjet e zyrës	Gjithsej
<i>Kosto</i>		
Gjendja më 1 janar 2016	17,104	17,104
Shtesat	-	-
Nxjerrje jashtë përdorimit	-	-
Gjendja më 31 dhjetor 2016	17,104	17,104
Shtesat	14,384	14,384
Nxjerrje jashtë përdorimit	-	-
Gjendja më 31 dhjetor 2017	31,488	31,488
Shtesat	2,726	2,726
Nxjerrje jashtë përdorimit	-	-
Gjendja më 31 dhjetor 2018	34,214	34,214
<i>Zhvlerësimi i akumuluar</i>		
Gjendja më 1 janar 2016	8,424	8,424
Shpenzimi për periudhën	3,353	3,353
Nxjerrje jashtë përdorimit	-	-
Gjendja më 31 dhjetor 2016	11,777	11,777
Shpenzimi për periudhën	5,295	5,295
Nxjerrje jashtë përdorimit	-	-
Gjendja më 31 dhjetor 2017	17,072	17,072
Shpenzimi për periudhën	5,010	5,010
Nxjerrje jashtë përdorimit	-	-
Gjendja më 31 dhjetor 2018	22,082	22,082
Vlera kontabël neto më 31 dhjetor 2016	5,327	5,327
Vlera kontabël neto më 31 dhjetor 2017	14,416	14,416
Vlera kontabël neto më 31 dhjetor 2018	12,132	12,132

5. Paraja në arkë dhe në bankë

	Më 31 dhjetor 2018	Më 31 dhjetor 2017
TEB Euro	160,728	96,663
TEB USD	77	77
PROCREDIT Bank	-	1
Paraja në arkë	474	183
Gjithsej	161,278	96,924

Instituti për Studime të Avancuara GAP

Shënimet për pasqyrat financiare për vitin e përfunduar më 31 dhjetor 2018
(Të gjitha shumat janë të shprehura në Euro, përveç nëse deklarohen ndryshe)

6. Të pagueshmet tregtare dhe të tjera

	Më 31 dhjetor 2018	Më 31 dhjetor 2017
Shpenzimet e përllogaritura	2,975	2,583
Tatimi i mbajtur i pagueshëm	2,663	2,875
Tatimi në qera	109	109
Gjithsej	5,747	5,567

7. Të ardhurat e shtyera

	Më 31 dhjetor 2018	Më 31 dhjetor 2017
Të ardhurat e shtyera	167,663	105,773
Gjithsej	167,663	105,773

8. Të ardhurat nga donacionet

	Për vitin e përfunduar më 31 dhjetor 2018	Për vitin e përfunduar më 31 dhjetor 2017
SIDA	92,649	76,875
Rockefeller Brothers Fund	28,940	22,043
National Endowment for Democracy	36,965	29,526
British Embassy	-	-
UNDP	25,407	24,910
Open Society Foundations	-	3,927
KCSF	39,046	39,229
ATRC	-	35,913
OSIFE	16,171	-
The International Research and Exchange Board (IREX)	-	-
MATRA	11,850	842
US Embassy	-	15,570
WEBER	2,414	6,296
Main/Other	8,673	7,784
Gjithsej	262,113	262,915

Shënimet për pasqyrat financiare për vitin e përfunduar më 31 dhjetor 2018

(Të gjitha shumat janë të shprehura në Euro, përveç nëse deklarohen ndryshe)

9. Shpenzimet e programit dhe administrative

	Për vitin e përfunduar më 31 dhjetor 2018	Për vitin e përfunduar më 31 dhjetor 2017
Pagat dhe përfitimet	140,495	142,732
Tatimi mbi të ardhurat dhe kontributet	29,475	15,743
Qiraja dhe tatimi në qira	14,505	14,505
Kostot e dizajnit	3,997	4,933
Tarifa profesionale	4,585	940
Reklama	3,179	6,904
Mirëmbajtja e webfaqes dhe zyrës	5,985	6,540
Tryeza të rrumbullakta	9,923	6,916
Shërbimet e hulumtimeve	5,125	-
Tarifat e auditimit	1,900	1,900
Shpenzimet e udhëtimit	12,505	10,206
Zhvlerësimi	5,010	5,295
Shërbimet e përkthimit	2,612	11,105
Kostot e printimit	4,676	4,678
Shpenzimet komunale	1,201	1,728
Shpenzimet e komunikimit	1,518	1,416
Furnizimet e zyrës	1,166	1,310
Mëditjet	-	-
Abonimet	412	375
Tarifat Bankare	525	628
Shërbimet e takimit për projekt	1,171	930
Shpenzimet e vlerësimit	-	6,825
Anketa	-	9,530
Të tjera	12,147	7,776
Total	262,113	262,915

Instituti për Studime të Avancuara GAP

Shënimet për pasqyrat financiare për vitin e përfunduar më 31 dhjetor 2018 (Të gjitha shumat janë të shprehura në Euro, përveç nëse deklarohen ndryshe)

10. Transaksionet e palëve të ndërlidhura

Palët janë të lidhura në qoftë se njëra palë ka aftësinë për të kontrolluar palën tjetër ose të ushtrojë ndikim të rëndësishëm mbi palën tjetër në marrjen e vendimeve financiare dhe operacionale. Kur konsiderohet çdo marrëdhënie ndërmjet palëve, vëmendje i kushtohet substancës së marrëdhënies, jo thjesht me formën ligjore.

Transaksionet e palëve të ndërlidhura janë kryer në kushte normale komerciale dhe me çmimet e tregut. Tabela në vijim përmbledhë transaksionet dhe balancat për vitet e përfunduara më 31 dhjetor 2018 dhe 2017:

	Për vitin e përfunduar më 31 dhjetor 2018	Për vitin e përfunduar më 31 dhjetor 2017
Kompenzimi kyç i menaxhmentit		
Pagat	87,470	81,960

11. Vlera e drejtë dhe menaxhimi i riskut

a. Politika të rëndësishme kontabël

Detajet e politikave të rëndësishme kontabël dhe metodave të adoptuara, duke përfshirë kriteret për njohje, në bazë të matjes dhe bazën mbi të cilën të ardhurat dhe shpenzimet njihen, në lidhje me secilën klasë të pasurisë financiare, detyrimit financiar dhe instrumentet e kapitalit janë shpalosur në shënimin 4 të pasqyrave financiare.

b. Kategoritë e instrumenteve financiare

Në fund të vitit Organizata ka këto instrumente financiare:

	Më 31 dhjetor 2018	Më 31 dhjetor 2017
<u>Pasuritë financiare:</u>		
Paraja në arkë dhe bankë	161,278	96,924

c. Objektivat e menaxhimit të rrezikut financiar

Aktivitetet e organizatës e ekspozojnë atë në një shumëllojshmëri të rreziqeve financiare, duke përfshirë rrezikun e kredisë dhe rreziqet që lidhen me efektet e ndryshimeve në kurset e këmbimit në valutë të huaj dhe normat e interesit. Menaxhimi i riskut të organizatës fokusohet në paparashikueshmërinë e tregjeve dhe kërkon të minimizojë efektet e mundshme negative mbi ecurinë e biznesit të Organizatës.

Menaxhimi i riskut kryhet nga menaxhmenti në bazë të disa politikave të para-aprovuar me shkrim dhe procedurave që mbulojnë menaxhimin e përgjithshëm të riskut, si dhe fusha të veçanta, të tilla si rreziku këmbimit valutor, rreziku i normës së interesit, rrezikut të kredisë, përdorimin e letrave me vlerë të duhura dhe investimi në likuiditet të tepërt.

Shënimet për pasqyrat financiare për vitin e përfunduar më 31 dhjetor 2018

(Të gjitha shumat janë të shprehura në Euro, përveç nëse deklarohen ndryshe)

11. Vlera e drejtë dhe menaxhimi i riskut (vazhdim)

d. Rreziku i tregut

Rreziku i valutës së huaj

Organizata vepron ndërkombëtarisht dhe është e ekspozuar ndaj rrezikut të kursit të këmbimit që rrjedh nga ekspozimet e ndryshme në valutë kryesisht në lidhje me dollar. Organizata nuk përdor ndonjë instrument për të mbrojtur rrezikun e këmbimit të huaj. Menaxhmenti i organizatës është përgjegjës për të mbajtur pozitën e duhur neto në çdo monedhë dhe në total dhe operacionet e saj janë të monitoruara çdo ditë nga drejtuesit e Organizatës.

Organizata ndërmerr transaksione në Euro dhe valuta të huaja. Organizata nuk ka hyrë në ndonjë transaksion të këmbimit forward ose derivative për vitin e përfunduar më 31 dhjetor 2018.

e. Rreziku i likuiditetit

Rreziku i likuiditetit lind në financimin e përgjithshëm të aktiviteteve të Organizatës dhe në menaxhimin e pozicioneve. Ai përfshin edhe rrezikun e të qenurit në gjendje për të financuar pasuritë në pjekurinë e duhur dhe normat dhe rrezikun e të qenit në gjendje për të likuiduar një pasuri, me një çmim të arsyeshëm dhe në një kuadër të përshtatshëm kohor për të përmbushur detyrimet.

f. Vlera e drejtë e instrumenteve financiare

Menaxhmenti i Organizatës konsideron se vlerat kontabël të aseteve financiare dhe detyrimeve financiare të regjistruara me kosto ose kosto të amortizuar në pasqyrat financiare ngjajnë me vlerën e tyre reale për shkak të maturitetit të tyre të shkurtër.

12. Ngjarjet pas dates raportuese

Nuk ka ndonjë ngjarje të rëndësishme pas datës raportuese që mund të kërkojnë përshtatje ose shpalosje në pasqyrat financiare të Organizatës.